

Tscheiver a Trun cun til, barlot e confettis

Sonda vargada ha giu liug a Trun il tradiziunal til da tscheiver cun 33 formaziuns sursilvanas. In grond publicum ha applaudiu als scolarets, scolaras e carschi per lu presentaziuns cun bials sujets ed en vestgius da tuttas colurs.

MARTIN GABRIEL/FMR

Sper Mustér organischan Las Lieurs da Trun dapi onns il pli grond e magnific til da tscheiver en Surselva. Sut il motto Wikinger han 33 gruppas da tscheiver dau lur meglier la davosa sonda sil tschancun da parada tras il vitg da Trun. Stai dalla partida ein

ils pli giuvens dallas canortas d'affons da Danis, Trun e Lumpazi da Mustér entochen allas scolas da Trun e Sumvitg. Igl ei stau il til da tuttas colurs, dils bials sujets e dils bogns els confettis. Rendi honur al tscheiver da Trun han era numerusas musicas da guggas e las uniuns dalla regiun che han festivaun in giubileum sco per exempel las Bagordas da Mustér. Autras formaziuns han tematisau ils schabetgs impurtonts digl onn vargau.

malsauna. Vegn Epp da spindrar ella», aschia il messadi placativ sil carr da tscheiver.

In catschadur cun ina buis a laghegiund giu d'in sez ault e davontier ina tabla cun l'inscripziun: «Tgi eri». Quei carr da tscheiver ha fatg allusiun al cass dils lufs-tscherver ch'ei vegni sittai igl atun vargau enstagl ils lufs che havessan giu da vegnir sittai.

Vargond vi ha il publicum saviu legger gries e grass ils plaids «Uffeci da catscha e scandals ed aunc dapli.»

L'inscenzium dil carr da catscha ei vegni da presentada dil Club dalla sonda sera.

Il tscheiver a Trun ha cuntinuau suenter il til cun concerts dallas musicas da guggas ed ina sera da sault el center communal.



Pign e grond ein separticipai al til da tscheiver a Trun.



Il Club dalla sonda sera ha priu silla corna la survigilanza da catscha che ha sittau ils lufs-tscherver enstagl ils lufs.

La SanaSurselva ed igl uffeci da catscha

L'Uniu da giuventetgna da Trun ha priu la SanaSurselva silla corna. Quei secapescha cullas fotografias dad Epp, Schläpfer, Beer e Co. e cun ina scena che muossa SanaSurselva sco pazienta ella stanza d'operaziun. «SanaSurselva ei



Las Grischalottas da Glion/Falera, ina dallas otg guggas el til.



Far musica da tscheiver durant in til ei stufi, cunzun per quel che dat la pauca.



Il Rudi d'affons da Trun ei defilaus el til cun grond applaus dil publicum.



La scoletta cun las monduras da fluras e las Lieurs da Trun han aviert il til...



... suandai dall'emprema e secunda classa da Trun envestigidas sco plantas.



Ina biala prestaziun dils dus utschals sin combas lenn: Davide e Gian-Andrea Beer da Rabius.